

INOVIRANI KONCEPT REGULATORNOG KAPITALA U BiH

U okviru regulatornih aktivnosti i usklađivanja sa međunarodnim standardima regulatornog kapitala pripremljen je nacrt nove Odluke o minimalnim standardima za upravljanje kapitalom banaka, koja sadrži inovirani koncept regulatornog kapitala u odnosu na postojeći regulatorni okvir i faktičko stanje u bankarskom sistemu u BiH. Sa ciljem primjene navedene Odluke izvršene su i izmjene i dopune Odluke o formi izvještaja koje banke dostavljaju Agenciji. Navedene aktivnosti su vođene i koordinirane od strane entitetskih agencija za bankarstvo, sa ciljem postizanja harmoniziranih regulatornih zahtjeva i supervizorskog pristupa predmetnoj materiji na nivou bankarskog sektora u BiH.

Imajući u vidu opredjeljenje entitetskih agencija za bankarstvo za nastavkom konstruktivnog stručnog dijaloga sa bankarskim sektorom u BiH putem Udruženja banaka Bosne i Hercegovine (u daljnjem tekstu: UBBiH), prije postupka javne rasprave izvršena je prethodna prezentacija ključnih aspekata predmetnih Odluka u formi nacрта, koja se u organizaciji UBBiH održala u Banja Luci, 13.03.2014. godine. Prezentaciju bankarskom sektoru u BiH su izvršili predstavnici stručnih timova entitetskih agencija za bankarstvo, uz prisustvo 74 predstavnika iz 26 komercijalnih banaka u BiH.

Nakon izvršene prezentacije, a u skladu sa usaglašenim operativnim planovima entitetskih agencija za bankarstvo, nacрте predmetnih Odluka Agencija je putem UBBiH dostavila na javnu raspravu bankama u FBiH. Rok za okončanje postupka javne rasprave je 08.04.2014. godine.

Istovremeno, nacrti predmetnih Odluka sa pripadajućim izvještajnim obrascima su raspoloživi bankama na internetskoj stranici Agencije, u okviru rubrike „Propisi u pripremi”.

Nakon okončanja javne rasprave UBBiH će dostaviti Agenciji jedinstveni akt, sa inkorporiranim i sistematizovanim pitanjima, komentarima i prijedlozima od zajedničkog interesa za bankarski sektor u cjelini, a koje će Agencija, u skladu sa uobičajenom procedurom, analizirati. U skladu sa rezultatima izvršene analize Agencija će dostaviti odgovor bankama putem UBBiH, odnosno utvrditi konačan prijedlog predmetnih Odluka i uputiti iste na usvajanje Upravnom odboru Agencije, nakon čega slijedi njihovo službeno objavljivanje.